

The best tourist attractions in Putrajaya



Managed by MARINA PUTRAJAYA SDN. BHD.

SIARAN MEDIA

MARINA PUTRAJAYA SDN. BHD. RAI CHE YAH DAN KELUARGA

Putrajaya, 22 Disember 2016 – Marina Putrajaya Sdn. Bhd. (MPSB) menerusi program Tanggungjawab Korporat Sosial telah meraikan dan berkongsi kegembiraan bersama Puan Che Yah dan keluarganya dengan membawa mereka menaiki Cruise Tasik Putrajaya dan menaiki belon Skyrides Festivals Parks Putrajaya dengan ketinggian 120 meter.

Kisah Puan Che Yah dan keluarganya yang menjadi viral di dalam media cetak dan sosial baru-baru ini, turut membuka mata pihak MPSB bagi membantu dan memberikan sedikit keceriaan kepada keluarga beliau. Puan Che Yah yang berusia 61 tahun membanting tulang empat keratnya menyara 2 orang anak dan menantu serta 4 orang cucunya dengan mengutip dan menjual botol-botol plastik selain mendapat bantuan daripada Jabatan Kebajikan Masyarakat dan Zakat Negeri Selangor.

Ketua Pegawai Eksekutif MPSB, Dato' Zaharah Selamat berkata "Kegigihan Puan Che Yah dan kecekalanya amat saya kagumi dan menjadi satu inspirasi kepada kami semua di MPSB. Walaupun pada usia emas, beliau masih begitu cekal membanting tulang bagi menyara keluarganya. Kisah keluarga beliau yang mendapat liputan luas di media membuatkan pihak kami terpanggil untuk turut membantu dan hari ini kami ingin berkongsi apa yang termampu bersama mereka" kata beliau. Selain daripada membawa keluarga yang kurang bernasib baik ini dengan menikmati pelayaran cruise di Tasik Putrajaya dan menaiki belon udara Skyride, MPSB turut memberikan sumbangan wang tunai berjumlah RM1,000.00 (Ringgit Malaysia Satu Ribu) kepada Puan Che Yah dan keluarga.

"Kami juga berharap dengan sumbangan kecil ini, sedikit sebanyak dapat meringankan beban dan membantu persiapan persekolahan cucu-cucunya dan juga untuk perbelanjaan dapur. Saya juga bergarap agar pengalaman menaiki Cruise Tasik Putrajaya yang merupakan produk pelancongan yang terbaik di Putrajaya dan Skyride Festivals Parks Putrajaya ini akan menjadi antara kenangan terindah dalam hidup mereka" tambah beliau lagi. Turut menjayakan program ini adalah syarikat Pengangkutan Awam Travel & Tours Putrajaya yang menyediakan pengangkutan buat keluarga ini.

Untuk maklumat lanjut sila hubungi Mohd Saiful Azam Badri di talian 019-222 9128 atau email kepada saifulazam@marinaputrajaya.com.



(DATO' ZAHARAH SALAMAT)

Ketua Pegawai Eksekutif
Marina Putrajaya Sdn. Bhd.

Tarikh : 22 Disember 2016